



UNIVERSITÄTS-
BIBLIOTHEK
PADERBORN

**Rvperti Ab||batis Monasterii || Tvitiensis Ordinis S.
Benedicti The||ologi antiqui, Opera duo, ut egregia sanè,
ita diu desiderata, multoq[ue] || labore perquisita, ac
sumptu haud ita modico ...**

Rupert <von Deutz>

Colonia, M. D. XXVI.

VD16 R 3796

Reverendo In Christo Patri Ac Domino, Domino Iohanni, dei gratia
Episcopo Rossensi in Anglia, Iohannes Cochläeus S. P.

[urn:nbn:de:hbz:466:1-71860](https://nbn-resolving.org/urn:nbn:de:hbz:466:1-71860)

CXX REVERENDO IN CHRIS-

STO PATRI AC DOMINO, DOMINO IOHAN-

ni, dei gratia Episcopo Rossensi in Angliā, Iohannes Cochlaeus S. P.



QUANTUM RUPERTVS NOSTER, ORNATissime Præsul, locupletissimis scripturarum testimonijs, Trinitatis superbe nediçæ glorificationem nouem libris demonstrauit, non minus quidem religiose q̄ erudite. Operæpretium tamen uidetur, ea quoq; adiungi, quæ multis ante seculis gloriosus Christi martyr, & Pontifex, Alexander, huius nominis primus, in sede Apostolica Papa, Episcopusq; Romanus, in decretali quadã epistola, mirabili compendio disseruit, complura referens testimonia, quæ apud Rupertum non reperiuntur. Libuit autem totam epistolam eius adiungere, non solum in gratiam tuam, si forte in codice tuo antiquo non sit integra: uerum etiam in ædificationem fidelium contra grauißima horum temporum nostrorum scandala, per quæ à Præfatis Ecclesiæ ritibus, ac institutis pleriq; nouis quorundam commentis auertuntur. Poterit itaq; pius Lector ex ea non solum confirmari in fide trinitatis, ritibusq; sacris atq; antiquis, uerum etiam cognoscere, quanta fuerit etiam persecutionum temporibus, in sede Apostolica Sanctorum Pontificum feruor, eruditio, autoritas, uigilantia. Quodq; Romanus Pontifex à temporibus usq; Apostolorum semper pro summo ac uniuersali totius Ecclesiæ CHRISTI pastore habitus sit. Sunt quidem duæ adhuc aliæ eiusdem Pontificis epistolæ decretales, sed minus proposito huic nostro deseruietes. Ideo reseruabo eas in communem decretalium omnium (quas è uetustissimis codicibus, magno sane labore, anno superiore collegi) editionem, quæ à Clemente primo usq; ad Gregoriũ primum ex ordine procedens, multam præ se feret non modo eruditionem, uerum etiam antiquitatem admirandam atq; exemplarem ac digne uenerabiliterq; imitandam, ueterum Christianorum pietatem. Bene uale, Præsul & pietate, & doctrina insignis, plurimumq; Reuerende. Ex Moguntia: duodecimo Calendis Maias. Anno salutis M. D. XXVI.

Epistola Alexandri ad multa utilis

EPISTOLA DECRETA-

LIS ALEXANDRI PAPAE PRIMI SVB TRA-

iano Imperatore Augusto ad omnes Orthodoxos ædita.

ALEXANDER EPISCOPVS, OMNIBVS ORTHODOXIS per diuersas Prouincias Christo domino famulantibus,



QUANTANTIBVS NOBIS METVM DIGNI iudicij, fratres charissimi, & post uitam hanc unumquensq; prout gesserit, recepturum, quod uenit ad querelam, tacere non licuit. Sed nobis loqui necessitas imperauit, dicente Propheta: Exalta, ut tuba, uocem tuam. Et cui omnium Ecclesiarum cura est, si dissimules ueltras statuatis. Quid enim aliud est, reijcere mandatum dei, q̄ priuato consilio, iudicio humano, nouis rebus constituendis, liberius delectari? Vnde & alibi scriptum est: Ne transgrediaris terminos antiquos, quos posuerunt patres tui. Terminos indubitanter transgreditur, qui statuta patrum postponit atq; confundit. Peruenit namq; ad conscientiam Apostolicæ sedis, quod nonnulli sint tam stolidi, qui dominica præcepta, & Apostolorum eorumq; successorum statuta minime obseruant. Et eos, de quibus dominus ait: Qui uos tangit, tangit pupillam oculi mei, non solum tangere minime dubitant sed etiam persequi non formidant. Et licet nos persequatur. Quia nec nos sine illis, nec illos sine nobis persequi possunt. Quoniã illius sumus discipuli

als t̄ quid ueniat in

Esa. 58
Mat. 17

Prouer. 22

Zach. 2

Ioh. 2. 10. & 17